

Tiyisela U Tsakile!

Swiletelo: Endla xitloveto lexi endhawini leyi nga riki na pongo. Loko u hlaya Matsalwa, tivone u hlalele xiendlakalo xa kona. Xi vone hi mahlo ya mianakanyo. Twana marito ya vanhu va kona. Titwe hi ndlela leyi va titwaka ha yona. Endla rungula ra kona ri va ra xiviri.

Swimunuhatwa-nkulu: Muapostola Pawulo, Silasi, nhwanyana la nga nandza, vini va yena ni mulanguteri wa khotso

Nkatsakanyo: Pawulo na Silasi va khotsiwa hikwalaho ko chumayela; kutani ku va ni ku tsekatseka ka misava loku nga va ntshunxa.

1 VONA XIENDLAKALO XA KONA HI MAHLO YA MIANAKANYO. —HLAYA MINTIRHO 16:16-40.

Xana a swi languteka njhani swikandza swa vini va nhwanyana loyi a nga nandza? (*Tihela u hlaya tindzimana 19-22.*)

swa Pawulo na Silasi loko va ha ri ekhotsweni? (*Tihela u hlaya ndzimana 25.*)

Hlamusela ndlela leyi ku “tsekatseka lokukulu ka misava” ni mpfumawulo wa kona a ku ri ha yona. (*Tihela u hlaya tindzimana 26, 27.*)

Mpfumawulo wa rito ra muapostola Pawulo a wu ri njhani loko a vulavula ni mulanguteri wa khotso eka tindzimana 28-31?

2 ANAKANYISISA SWINENE HI MHAKA LEYI.

Xana ku tsekatseka ka misava a ko va mhangu ya ntumbuluko? Ha yini? (Lexi nga ku pfunaka ku kuma nhlamulo: Hlaya Mintirho 4:31; 5:19; 12:7.)

Ha yini mulanguteri wa khotso a a hlamarisiwe hi ku va Pawulo na Silasi va n’wi khome hi ndlela leyinene? (*Tihela u hlaya Mintirho 16:23, 24.*)

Ku xaniseka ka Pawulo na Silasi ku va pfune njhani leswaku va chumayela vanhu vo tala? (Lexi nga ku pfunaka ku kuma nhlamulo: *Tihela u hlaya tindzimana 25 na 33.*)

3 TIRHISA LESWI U SWI DYONDZEKE.

Tsala leswi u swi dyondzeke malunghana ni . . .
Ndlela leyi u nga tiyiselaka ha yona u tsakile.

Vuyelo bya ku tiyisela. (Hlaya Yakobo 1:2-4.)

4 TIVUTISE.

Hi rini laha ndzi lavaka ngopfu ku tiyisela?

Loko ndzi ri karhi ndzi tiyisela nxaniso, ndzi nga n'wi tekelela njhani Pawulo eka ndlela leyi ndzi khomaka vanhu van'wana ha yona?

Hi wihi nchumu wa nkoka eka mina lowu ndzi wu dyondzeke eka rungula leri naswona ha yini?

Xiringanyeto: Tianakanye u ri mulanguteri wa khotso. Hlamusela swiendlakalo swa rungula leri hi ku ya hi mavonelo yakwe. Katsa ni ndlela leyi a a titwa ha yona loko a pfalela Pawulo na Silasi, a vona ku tsekatseka ka misava kutani eku heteleleni a khuvuriwa swin'we ni ndyangu wakwe.

